

Ivo Mijo Andrić

Ivo Mijo Andrić

DUH NIJE U BOCI

DUH NIJE U BOCI

Ivo Mijo Andrić
DUH NIJE U BOCI

Ivo Mijo Andrić
DUH NIJE U BOCI

Izdavač
ASoglas d.o.o. Zvornik

Za izdavača
Dejan Spasojević

Recenzija
Aleksandar Čotrić

Priređivač i lektor

Tehnička priprema
Srđan Čabrilo

Štampa
ASoglas d.o.o. Zvornik

Tiraž

Ivo Mijo Andrić

DUH NIJE U BOCI

Aforizmi i tekuće misli

Zvornik, 2025.

*Posvećeno mom starom drugu, radnom kolegi
i prijatelju Savi Iliću i njegovoj porodici*

**OTVORENO
BRZO
IZVJETRI**

Aforizam je pirueta uma umjetničkog književnog
klizanja.

&

Zemlja je tako mala da stane na svaku kartu.

&

Da bi nas digao u visinu, humor mora biti prizeman.

&

Šalio bih se ja i na svoj račun, da nije prazan.

&

Čovječanstvu je oduvijek nedostajalo više čovječnosti.

&

Siromašni od grla mogu odvojiti samo knedle.

&

Subjektivni najlakše postaju subjekti, a objektivni -
objekti.

&

Stanje u društvu bi se popravilo
kad bi na vlast došli dobri majstori.

&

Bolje je biti zadnji među najboljima,
nego prvi među najgorima.

&

Hrvati još uvijek jašu na konju – bana Jelačića.

&

Zbog hapšenja nekoliko ministara,
vlada je održala zatvorenu sjednicu. U zatvoru!

&

Nekad sam se veselio polasku na put,
sad me veseli povratak.

&

Broj liječnika u politici potvrđuje da je politika teško
bolesna.

&

Dobre prilike koriste samo oni koji ne zapadaju u
neprilike.

&

Posljednja želja svakog optimiste je... da ode posljednji.

&

U blizini groblja raste krasno drvo.
Dušu dalo za vješanje onima koji ne cijene život.

&

Ni lijevo, ni desno, već ... naprijed naši!

&

Stanje u zemlji nikad nije bilo bolje.
Vlada ga je čak proglasila - izvanrednim.

&

Ministar kulture raspisao je natječaj u kome traži više
iskusnih majstora za popravljivanje narodnog raspoloženja.

&

Pobjeda je bila tako teška, da smo je na kraju – ispustili.

&

Toliko smo se izvještili da smo postali vještački narodi.

&

Ako ste izgubili nadu na Istoku, potražite je na Zapadu.

&

Nekada se u školi služilo tablom, a danas – tabletom.

&

Oni nisu fer, dali su nam prednost,
a onda su nas prestigli do cilja.

&

Opet sam propustio dobru priliku.
Na sreću, nije bila ni prva ni posljednja.

&

Nije im se dalo, pa su sami sve uzeli.

&

Da nije sve bilo dopušteno, oni nikad ne bi popustili.

&

Početnici se najduže zadržavaju na početku.

&

Ne kupujte vrijeme na sniženju. Brzo se potroši.

&

Historija se ponavlja. Naša povijest je neponovljiva.

&

I u Hrvatskoj pisci idu u penziju. Ne idu u mirovinu.

&

Vlada se ponaša rasipnički.
Isplaćuje božićnice i uskrsnice čak i ateistima.

&

Dobro je da vlada pomaže one koji žele ratovati.
Neka se što prije istrijebe svi koji nisu za mir.

&

Ljudski um dokazuje se dužinom i težinom jezika.

&

Ako polazite samo od sebe, nećete daleko stići.

&

Ne tražite odgovore na pitanja koja ne znate postaviti.

&

U načelu, lopovi i lupeži su uvijek na čelu.

&

Za mušku kontracepciju treba dobra koncepcija.

&

Hrvatska je poznata zemlja bezemljaša.

&

Greške u koracima najviše prave oni koji nikud ne idu.

&

Duh nije u boci. Boca nema duha!

&

I staromodni tipovi danas se moderno nose.
Staro je opet u modi.

&

Da je duh u boci, i pijanci bi od nje bježali.

&

Sve što je otvoreno, brzo izvjetri.

&

Uzeo sam ga na zub. A on – pokvaren.

&

Sve što sam imao dao bih za ono što nemam.

&

Odlično živim. Imam svega dovoljno.

&

Kud i kamo? Kudikamo!

&

Idemo od nemila do nedraga. I nazad.

&

Ako nemate neprijatelja, potražite ga u sebi.
Tamo ćete ga sigurno pronaći.

&

Onaj tko je kost i koža barem ne može izaći iz kože.

&

Lako je biti odlučan kad netko drugi odlučuje.

&

Neodlučnost se javlja samo onda kad sami odlučujete.

&

Kupili smo vrijeme. Samo je njega bilo na sniženju..

&

U zapovjednom lancu sve karike se na kraju svedu na jednu – zapovjednu.

&

Moje nade živjet će i poslije mene. One su vječne.

&

Aforizmi iz prošlog stoljeća odlično prolaze u ovom.
Neki ih aforisti rado čuvaju od zaborava u svojim knjigama..

&

Bolje je prešutjeti nego lažno priznati.

&

Čovjek je genijalac, koji po potrebi glumi budalu.

&

Loš ne haje za ono, zašto se dobar kaje.

&

Da je sve bilo kako treba, ne bi sve bilo po njihovom.

&

Pobjedi se ne gleda u zube, porazu se ne gleda u oči.

&

Sadašnjost je na granici između prošlosti i budućnosti.
Zato je teška i neizvjesna.

&

U otvorenim demokratskim društvima puše na sve strane.

&

Tko iz jedne zemlje izađe kao izbjeglica,
u drugu ulazi kao prognanik.

&

Ako niste spremni za dom, teško će te ući u brak.

&

Gotovi smo! Primamo samo gotovinu!

&

Nosite se s milim Bogom, ili će vas đavo odnijeti.

&

Od pisanja možete zaraditi samo hemoroide.

&

Ako vam ne ide pjevanje,
pokušajte sa hvalospjevima.

&

Aforist je onaj tko dugo smišlja kratke misli.

&

Mnogi su išli u školu za budale. I uspješno su je završili.

&

Bog nas može osloboditi od grijeha,
ali nas ne može osloboditi od grješnika.

&

Primjetno je da neki aforisti sve manje čitaju.
a sve više prepisuje tuđe aforizme.

&

Bolje je biti prost nego prosto proširen.

&

Rijetke su se žene dobro udale.
Sve ostale su, izgleda, budale.

&

Aforizme pišem iz moralnih,
a čitam zbog zdravstvenih razloga.

&

Da biste smislili dobar aforizam,
morate se dobro lupiti u čelo.

&

U šali se ozbiljno govori.

&

On je desni ljevičar koji djeluje iz centra.

&

Kad sam bio gospodin zvali su me drug.
Sad me zovu gospodinom, a ja imam dug.

&

Bog postoji samo zbog onih koji u njega vjeruju.

&

Ljepše vrijeme samo dođe.
Za bolja vremena moramo se sami izboriti.

&

Na takmičenju frizera i šminkera,
vlada je nadmoćno prešišala sve konkurente.

&

Mnogi su za domovinu pali tako duboko,
da se više nikada neće podići.

&

U demokratiji je sve ostvarivo.
Osim prava i dužnosti.

&

Taj stranački lider pripada krugu onih koji su ćoškasti.

&

Da li su dobri konji samo oni koji su dobro potkovani?

&

Humor bez satire nije sav svoj.

&

Ironičan aforizam mora biti dobro posoljen,
a satiričan dobro zapapren.

&

Osim dubine i širine, dobar aforizam mora imati i
natprosječnu visinu.

&

Pametniji kod nas nema više šta popuštati.

&

Ne štedite kad se šalite na svoj račun!

&

Sunce ne prži jednako na njivi i na moru.

&

Aforizam se može prepisati, ali misao ne može.

&

Sreća je meta koju je najteže pogoditi.

&

Dug se kod nas najlakše dugom izbija.

&

U krivu je onaj kome je sve ravno.

&

Dosta nam je oratora. Dajte nam više orača.

&

Onom tko nije stao na svoje noge, malo što ide za rukom.

&

Da nije pao na glavu, Njutm bi teško otkrio zakon gravitacije.

&

Slobodni zidari ne zidaju kule u oblacima.

&

Nisam težak, pa ne znam koliko sam pametan.

&

Pišem laku literaturu da bi me ljudi lakše pročitali.

&

U ovoj državi nemam nikakva prava.
Pogotovo autorska.

&

Radio sam i prije nego što sam se zaposlio.

&

Konac djelo krasi, a iglu vrh i ušica.

&

Zabrinuti беру i svoje i tuđe brige.

&

Kad padne s kruške aforist se dočeka na noge,
a satiričar na glavu.

&

Idite s milim Bogom! Dok ne skrenete!

&

Miran san nas može samo prevariti.

&

Bogat prosac nikad nije prosio.

&

Dok jedni ne dižu glavu od posla,
drugima posao ne ide u glavu.

&

Naše mane i slabosti su prepoznate diljem svijeta.

&

Kad tvornički dimnjaci ne dime, radnici su popušili.

&

Ako nam se iste misli motaju po glavi,
logično je da pišemo iste ili slične aforizme.

&

Sreća ne prati samo hrabre. Prati i bogate.

&

Mi smo pametan narod. Samo to mudro krijemo od
drugih.

&

Lopov je lako postati, ako voliš tuđe više nego svoje.

&

Da ga nisu odbacili, daleko bi dobacio.

&

Istinski optimist noću mirno spava,
a danju nemirno sanja.

&

Dobri običaji su nam prešli u loše navike.

&

Incidencija je da imamo sve više incidenata.

&

Dok robe poskupljuju, robovima cijena stalno pada.

&

Onaj tko nije sav svoj, ne bi trebao biti ničiji.

&

Plitak čovjek je kao plitak potok. Svi ga lako prelaze.

&

Da nas nisu za nos vukli, ne bi se tako lako izvukli.

&

Tko kupi auto na kredit, kupio je kredit, a ne auto.

&

Mjenjač je u autu, a mjenjačnica je u banci.

&

Hrvati vole Sunce. Zato za njim idu na Zapad.

&

Bog je najveći zaštitar. Bože, čuvaj Hrvatsku!

&

Čovjekov rječnik ovisi o dužini jezika.

&

Postoje dvije vrste aforizama:
prvi su bezvremeni, drugi su bezvezni.

&

Put do neba većim dijelom vodi ispod zemlje.

&

Znam da sam dosadan,
ali nemojte očekivati da ću se ubiti od dosade.

&

Ako niste pri sebi, maknite se što dalje od nas.

&

Nikad više udžbenika – nikad manje učenika.

&

Svaki aforist treba završiti barem kratki tečaj pisanja,
a ne samo prepisivanja aforizama.

&

Pravog datuma rođenja i smrti Isusa Krista više se nitko
ne sjeća. Čak ni Bog otac.

&

Svijet se po Suncu i politici dijeli na Istok i Zapad.
Jug i Sjever su tu toplo-hladni dodatak.

TREBA
ZNATI
ŽIVJETI

To što nemamo veze o poslu,
ne znači da nismo do posla došli vezom.

&

Na selu i nerast - raste.

&

Život nam je, znate, podijeljen na rate,
uz koje idu visoke kamate.

&

Ni crno ni bijelo, već – crno na bijelo!

&

Dug se plaća – dugovanje vraća.

&

Vlada uvodi nove poticaje siromašnima.
Svakome će dodijeliti praznu kapu i prosjački štap.

&

Siromahu je jedini pravi oslonac - prosjački štap.

&

Svaka pomoć dobro dođe, ako nas ne prođe.

&

Krajem godine kod od nas je sve crveno-bijelo.
Djed Božićnjak je u crvenom, a Djed Mraz u bijelom.

&

Temelji socijalizma iskopani su radničkim rukama.

&

Uzrok i posljedica su kao brat i sestra.
Jedno je rođeno u bračnoj, drugo u vanbračnoj vezi.

&

Ljubav nas u isto vrijeme i ljubi i mori.

&

U brak se ulazi iz ljubavi, a iz njega izlazi kad ljubav sagori.

&

Umjesto žalbe na državne odluke,
ulažem prigovor zbog narodne muke.

&

Aforizmi su moji pusti verbalni snovi.

&

Nudim g. Trampu poštenu trampu.
Njemu i g. Masku nebo – nama Zemlja.

&

Ma, pustite mene. Pravite budalu od sebe.

&

U novinama se svašta piše. U kuloarima se svašta priča.
Laž se manje-više na oba mjesta veliča.

&

Najprije je digao ruke od svega.
A onda je digao ruku na sebe.

&

Lako je sa širokim ljudima. Teško je s uskima.

&

Najprije je bio zaljubljen, a onda zbog ljubavi - zatupljen

&

Siromašni stvaraju bogate. Bogati stvaraju siromašne.
Tako se jedni pozlate, dok drugi život promaše.

&

Bog je odredio tko je muško, a tko žensko.
Ako Bog slučajno pogriješi, tu je Tramp da grešku ispravi.

&

Granice su nepromjenjive, kažu EU birokrati.
S druge strane bare - odgovara Tramp.

&

Ako Kanada ne prihvati da bude pedesetprva država
SAD,
predlažem g, Trampu da na to mjesto primi RH ili BiH.

&

Donald Tramp je zagrijan i za ledeni Grenland.
Nikakva danska cijena ne može ga ohladiti.

&

Kopanje Panamskog kanala platili su Ameri.
Sad im taj kanal nije više po mjeri.

&

Za pedofiliju u crkvi odgovoran je celibat.
Kad njega ukinu, svećenici će kao i drugi imati svoju
djecu.

&

Nagli porast broja stanovnika vodi Zemlju u propast.
Zato najmoćniji oružjem nastoje tu propast ubrzati.

&

Vulkani su dokaz da se i u Zemlji kuha kao i na njoj.

&

Nakon zla u Gazi, ni Istok nam više nije tako blizak.

&

Zapad se nekad širio na sve strane svijeta.
Sad se sve strane svijeta šire na Zapad.

&

Kad bi čovjek primijenio sve što je naučio,
ne bi se u životu toliko mučio.

&

Ljubav je most koji spaja ljude.
Mržnja je granica koja ih razdvaja.

&

Ono što je u svemiru Sunce, na Zemlji je ljubav.

&

Mjesec će penzionerima biti dug
i kad se skрати put do Mjeseca.

&

Svemirom lutaju nebeska tijela, a uz njih i ljudske duše.

&

Tko ima pameti za bacanje, ima i novca za razbacivanje.

&

Malo znamo, ali... zato mnogo zaboravljamo.

&

Ne znam šta mi je, pa ništa nemam.

&

Nemam ništa protiv onih, koji nisu protiv nas.

&

Muškarcima neke stvari ne idu od ruke. Kad žena uzme
stvar
u svoje ruke, onda ona završi na pravom mjestu.

&

U mladosti sam raščistio s religijom, u srednjim godinama
sa državom. Pod stare dane raščišćavam sa ženama.

&

Od viška glava ne boli – reče trgovac, pa napravi manjak.

&

Sve što joj je obećao stavio je na kocku. I ispunio obećano.

&

Situacija je pod kontrolom samo kad je pod ključem.

&

Smijeh je lijek bez ozbiljnih kontraindikacija.

I, još k tomu, ništa nas ne košta!

&

Završena je izborna utrka. Konji su opet pobijedili narod.

&

Kod nas etiketiraju i oni koji nemaju nikakvu cijenu.

&

Obavještavamo svjetsku javnost kako su propali pokušaji,
da se na Zemlji izgradi neki novi svijet.

&

Ako se ne možeš pronaći u sebi, ne traži se ni u drugima.

&

Slijepim političarima, Zapad je jedini vidljivi orijentir.

&

Ako morate probuditi nadu, znači da je ona do sada
spavala.

&

Tko čeka božju pomoć, taj je u ozbiljnim problemima.

&

Nisam vam ja od ovih, koji su protiv onih.

&

Za talog je vrh vrhova... kad se digne na površinu.

&

Kada padaju, visokoobrazovani padaju najniže.

&

Prezentacija nam je bolja od reprezentacije.

&

Slušajte me! Ne prisluškujte me!!!

&

Vrijeme je kao voda. Brzo proteče.

&

Potkova ne donosi sreću. To zna svaki konj!

&

Pamet je uvijek bila viša sila. Zato vladarima nikad nije mila.

&

Gdje jedan radi za dvojicu, dvojica se odmaraju za jednoga.

&

Više škole – manje zvanja, ako radiš veća sranja.

&

Nisu mali protiv velikih, koliko su veliki protiv malih.

&

Kad mali pobijede velike – to je čudo.
Kad veliki izgube od malih – to je ludo.

&

Da nije izbio rat u Ukrajini,
još bi se mi borili protiv korona virusa.

&

Bit će nemira, ako nas ne ostavite na miru.

&

Militanti nisu nikom mili.

&

Mrzim rat! A posebno one koji rat vole.

&

Ljubav je simbol dobra. Sila je simbol zla.
Mir je svjetlost raja. Rat je tama pakla.

&

Cijena zla uvijek je veća od cijene dobra.

&

Zdravstvo profitira na bolestima, a ne na zdravlju ljudi.

&

Svako otkriće nema dobro pokriće.

&

Osveta je najviši stupanj mržnje.

&

On se zlu posvetio, da bi se osvetio.

&

Osveta je budali posveta.

&

Rat je proizvod visokoumnih koji su pali na najniže grane.

&

Vjera u Boga kompenzira nevjeru u sebe.

&

Nemam ništa protiv vjere koja ima prave mjere.

&

Dobar izgovor pokriva loš govor.

&

Poštujem sve rokove, osim vojnog roka.

&

Rad nas gradi – rat nas razgrađuje.
Tako loše ljude nagrađuje.

&

Jedni nam donose rat, drugi nam odnose mir.
Na kraju u naše ime priređuju pir.

&

Tko ne misli glavom, nosi je u torbi.
Tko ratuje s javom, stalno je u borbi.

&

Loša pamet donosi kijamet.

&

Učenje napamet ne služi pameti.
Ono je razumu oduvijek na meti.

&

Škola uči radu, a ulica - ratu.

&

Lopov se nije naučen rodio, niti se lopovluk slučajno
dogodio.

&

Bolje je imati loš dan, nego lošu noć.

&

Matematički gledano, u svijetu se ništa ne mijenja.
Dva i dva su četiri za sva pokoljenja.

&

Kapitalizam je pokazao da socijalizam nije bio za svakoga.

&

U svim poslovima mi smo izuzet(n)i.

&

Sve što im promakne, političari iskoriste za promaknuće.

&

Kod nas u rok službe ulaze i tužbe.

&

Zviždaču su konačno odsvirali kraj.

&

Ni kriv ni dužan završio je u zatvoru.
Tako mu je bilo suđeno.

&

Vršimo racionalizaciju pravosuđa po sistemu:
„Kadija te tuži, kadija ti sudi.”

&

Za dobro ponašanje treba dobro oponašanje.

&

Naoružani strpljenjem odbacili su oružje.

&

Kad je skrenuo ukrivo, nakrivio je šešir.

&

Metalni ljudi obično nose zlatne lance.

&

Skinite nam s vrata one koji su samo navratili.

&

Sudac je svirao, dok nije prosvirao.

&

Pravo gledaju samo oni koji su sto posto u pravu.

&

Ako ćemo gledati pravo, oni su za sve krivi.

&

Mrzitelji ne mrze samo druge. Oni mrze sve drugo i
drukčije.

&

Prošlo me odavno razmišljanje o prošlosti.

&

Niko se nije naučen rodio, niti je učenom u svemu
ugodio.

&

Tko nema pameti ne pomažu mu nikakvi nameti.

&

Zemlja nam je rodna, narod je nerodan.

&

Kad se državne jase isprazne,
narodu slijede novi porezi i kazne.

&

Izbori su provjera građanske mudrosti,
koja je često na granici ludosti.

&

Da nismo ušli u Evropsku uniju imali bi manju kasu,
ali domaćim novcem puniju.

&

Sve više se Hrvata vraća u domovinu.
Za Božić, Uskrs i Novu godinu.

&

Zagonetačima je ravnopravnost isto što i pravnoravnost.

&

Nakon izbora vlada se sastavlja i po babi i po ministrima.

&

Većinu od milion iseljenih iz Hrvatske čine, zapravo, Srbi.
Matematika je znanost čistih računa, a ne grožđa na vrbi.

&

Zaustavili smo inflaciju, ali je i ona zaustavila nas.

&

U(s)hićeni ministar s optimizmom je napustio zatvor.

&

Kad je ministru zdravstva određen pritvor,
neki su pacijenti dobili laksative za zatvor.

&

Lako je glumiti budalu.
Puno je teže biti prava budala.

&

Pacijent ima više opcija, prije nego mu se uradi biopsija.

&

Optimistične su sve prognoze,
prije postavljanja prave dijagnoze.

&

Tko nije u stanju izbjeći rat,
taj ne zna što su sloboda i mir.

&

Razvoj nam je stabilan, a razboj još stabilniji.

&

Mržnja je najopasniji opijat za narod.

&

Ubojice su plaćene za svaki obavljeni posao.

&

Zakon i zakonodavac dva su svijeta sa istog planeta.

&

Dok se jedni traže, drugi se (s)nalaze.

&

Taj general je bio generalno lud.

&

Istok i Zapad najveće su geo-političke laži i obmane.

&

Situacija se popravlja.
Nije više mršava kao nekada.

&

Rat je učinio svoje. Mi smo mu samo pomagali.

&

Kad bi se 2 posto nacionalnog dohotka, umjesto za vojsku trošilo za siromašne, više ne bi imali vojsku siromašnih.

&

Židove treba podržavati u svemu, osim u ubijanju.

&

Preživio sam jedan rat. Sada čekam vječni mir.

&

Boga možete ubijati u vjernicima, ali ne i u nevjernicima.

&

U državi bez reda, redovi su pred šalterima.

&

Narodi se dijele kad se ispred njih ispriječe političari.

&

Um caruje. Budale vladaju!

&

Ratni zločini ne zastarijevaju. Zastarijevaju zločinci.

&

Rat guta male ljude da bi nahranio velike političke lude.

&

Ništa nije teže od praznog života.

&

Ograničene vojne operacije izvode samo ograničeni.

&

U svakom ratu slabiji su žrtve.
Kada dođe mir oni broje mrtve.

&

Propali su pregovori, mira opet neće biti,
Niko niskim ne govori, ponovo će zaratiti.

&

Dok papa moli za mir, bjelosvjetski papani ratuju.

&

Krajina raseljena – Ukrajina porobljena – Gaza previjena.

&

Za državu padaju oni koje je država stavila pod oružje.

&

Iz mrtvih se ne dižu oni koji su pali za druge.

&

Sve nas čeka svijetla budućnost. Uz svijeću, zna se.

&

Osudili smo zločine. Zločince ćemo suditi kasnije.

&

Nada se podgrijava sve dok ne izgori.

&

Naši najveći ratni gubici su navodni ratni dobitnici.

&

SAD više ne šalju vojnike na ratišta. Šalju oružje i instruktore.

&

I Srbi i Hrvati tvrde da su oni drugi odgovorni za minuli rat.

&

Ne mogu se izjednačavati žrtve i zločinci.
Jednih nema, a drugi su tu.

&

Da u ratu nije bilo zločinaca, ne bi bilo ni žrtava.

&

Mi smo pouzdan partner NATO-a, EU i SAD-a.
Držimo čvrsto uzde u zubima.

&

Veličina ega nije na naglašavanju, već na usuglašavanju.

&

Vratili bi se mi na početak da znamo gdje smo počeli.

&

Sila Boga ne moli, jer je sklona ateizmu.

&

Prodao je dušu đavolu. Takva vam je tržišna ekonomija.

&

Kapitalizam je bolji od socijalizma. Bogati to znaju
najbolje.

&

Rat će završiti tek onda kad prestanemo o njemu pričati.

&

U miru počivaju samo oni koje su ostavili na miru.

&

Od svih priča Hrvati najviše vole pričati o ratu.

NIJE
SVE
U
IMANJU

Pustite kraju one koji su zapeli na početku.

&

Sadašnjost je na granici prošlosti i budućnosti.

Zato je za sve tako neizvjesna.

&

Zabranjeno voće uvijek je najslade,
jer je uvijek bilo pod udarom krađe.

&

Nije dobro ponavljati stare greške. Bolje je praviti nove!

&

Nekad se govorilo: poslije mene – potop.

Danas se može reći: poslije nas – suša.

&

Ogledalo je otkriće koje otkriva sve naše mane.

&

Čovjek je genijalac koji često glumi budalu.

&

Tanka je nit između dobra i zla. Zato lako puca.

&

Preduprijedili su nas svi koji su ispred nas.

&

Vlada će ostvariti sve snove naroda. Naročito mračne.

&

Ako ste se nekog zasitili, sigurno se i on zasitio vas.

&

Povučen čovjek povlači se i kad ga stave u prvi plan.

&

Kad je tama pred očima, u duši je mrak.

&

U društvu moćne žene, moćan muškarac osjeća se
nemoćno.

&

Da se nismo nacrtali, oni bi nas precrtali.

&

Situacija nije toliko teška, koliko smo mi laki.

&

Ni jedno pitanje nije tako teško,
koliko može biti težak odgovor.

&

Taj stranački lider pripada krugu koji je otvoren.

&

Tko više štedi, taj sporije sijedi.

&

Da li su baš svi konji dobro potkovani i nasamareni?

&

Svi hrvatski umjetnici su na umjetnom disanju,
osim onih koji su priključeni na državno respirator.

&

Moral naših političara nije upitan.
Nitko od njih ne odstupa zbog moralnih razloga.

&

Hrabrost se najlakše dokazuje u strahu.

&

Pišem memoare! Molim prijatelje da me podsjetite
na važne detalje iz moga života.

&

Što više znamo jedni o drugima, više se ne razumijemo.

&

Niko se kao Bosanci ne zna šaliti na svoj račun.
I nitko se kao Hrvati ne zna sprdati na račun Bosanaca.

&

Ne dižite noge visoko od zemlje,
ako niste dobro potkovani.

&

Lijepo vrijeme samo dođe,
a za bolja vremena moramo se sami pobrinuti.

&

Dok nismo otvorili sve karte, nismo znali da smo – ful.

&

Hrvatima je humor dobro došao. Pa, otišao...!

&

Ne pišem protiv politike; to je častan zanat.
Pišem samo protiv loših zanatlija.

&

Moje misli su toliko jasne da na njih ne treba trošiti riječi.

&

Osim dubine i širine,
dobar aforizam mora imati lasersku oštrinu.

&

U aforizmu dobrog aforiste kaže se više,
nego u sabranim djelima lošeg prozaiste.

&

Ostvaren je onaj tko je stvaran.
Nestvaran nikad neće biti postvaren.

&

Život je prolazan. Dođe i prođe, a da ga mnogi ni ne
osjete.

&

Provod nije bio lud, ali su se mnogi ludo proveli.

&

Kod nas su duboko zabrazdili i oni koji nisu nikada orali.

&

Mudar čovjek mudro šuti, a pametan sve prešuti.

&

Lokal patrioti su uvijek patriotski lokali.

&

Praznim ljudima svaki dan je praznik.

&

Vlada čini sve da se izvučemo iz krize.
Čak je i u zakone ugradila neke nove rupe.

&

Mnogi Hrvati više vole demokroaciju nego demokraciju.

&

Lijepa je samo ona prošlost koja ima budućnost.

&

Puritanci više vole umotanu laž,
nego голу istinu.

&

Prazno srce lakše je ispuniti mržnjom nego ljubavlju.

&

Država nije kao Bog. Ona ne oprašta grijehe.

&

Da nije gubitnika, pobjednici se ne bi imali čemu radovati.

&

Borba za istinu nije i borba protiv laži.

&

I novi državni proračun pokazuje da su se vlada i parlament dobro preračunali..

&

Humoristi i satiričari su najozbiljnija opozicija vlastima.

&

Jedan se popeo na križ. Drugi nam se penju na glavu.

&

Ide vrijeme... kad ćemo otići.

&

Da bi čovjek bio dobar ne mora se puno truditi.
Treba samo biti dobar.

&

Potkupljivanjem se čovjek ne možete iskupiti.

&

Bio je široke ruke, duge noge, i... kratke pameti.

&

Tko se uzdržava od svega, teško se suzdržava.

&

Razmišljanje uvodi red i ubija nered.

&

Kod robova navika, samo su navike slobodne.

&

Čovjek se na kraju odriče i života.

&

Račun bez krčmara ne plaća se u krčmi.

&

Za nastanak čovječanstva optužen je majmun.
Suđenje još traje.

&

Promašen čovjek opasniji je od svake promašene mete.

&

Kod nas su jedni zbrinuti, a drugi zabrinuti.

&

Pregovori mogu započeti tek kad se okončaju prigovori.

&

Prije svakog rukovanja, operite ruke.

&

Dok nam jedni mažu oči, drugi podmazuju.

&

Tko čeka, dočekat će ga. Iza ugla!

&

Letio je dok je bio zaljubljen u stjuardesu.

&

U izbornoj utrci obično pobjeđuju konji.
Rjeđe to uspijevaju mule i magarci.

&

Položila je ispit. Tek kad je pala.

&

Srbi tjeraju svoje, a Hrvati naše.

&

Sjajno više muti poglede od tamnog.

&

Izgubljena nevinost ne može se više pronaći.

&

Mračni snovi najčešće se sanjaju danju.

&

Ukinuli smo bratstvo i jedinstvo,
a uveli sveto trojstvo.

&

Izborni glas čuje se godinama.

&

Cijena slobode određuje se prema dužini kazne.
Duža kazna – veća cijena slobode.

&

Dodoh, vidjeh, posijedih.

&

Ako već pucate, neka to bude od muke.

&

Izgubljene ljude najprije će te pronaći na psihijatriji.

&

Kad nema druge, idite na prvu.

&

Lijepa je kao slika. I nedostižna, kao dobra prilika.

&

Pamet nije za svakoga. Da jest, svi bi bili pametni.

&

Išao bi on u korak s vremenom, da nije na vrijeme
zaostao.

&

Znao je šta ga čeka ako krene na vrijeme.
Zato je uvijek kasnio.

&

Promjena urednika ne raduje pisca,
ako je urednička politika ostala ista.

&

Od svih gužvi jedino je dobra gužva na pijaci.

&

Ne žurite! Tko puno žuri prije stigne do kraja.

&

Treba biti budala pa vjerovati da su svi ljudi pametni.

&

Puno je onih koji svako malo mlate praznu slamu.

&

Svaka je ljubav ograničena mržnjom.

&

Loše mi je od onoga što drugima nije dobro.

&

Kraj s krajem teško sastavljaju oni koji imaju loš početak.

&

To što ste nam obećali, dragi političari, uzmite sebi.

Nama dajte samo ono što ste od nas uzeli.

&

Umišljeni su izmišljeni samo da misle za sebe.

&

Sve što smo nekad imali, sad imaju drugi.

&

Dobri ateisti više cijene papu od loših vjernika.

&

Samo prekriveni idu do đavola.

&

Nagutali smo se gutavih ljudi i degutantnih stvari.

&

Gdje jedan zapne, tu drugi odapne.

&

Nadao sam se sve dok se nisam uvjerio
da nada posljednja umire.

&

Lako je biti težak. Teško je biti lak.

&

Sve što se dobro ne odvaga ide do vraga.

&

Pustite one koji su bez mane.
Oni su došli s neke druge strane.

&

Političarima fotelje. Narodu lijepe želje.

&

Da se mene pita, neke političare se ne bi ništa pitalo.

&

Svjedoci vremena svjedoče o ljudima, a ne o vremenu.

&

Šta mi vrijedi što sam došao do riječi,
kad sam ostao bez teksta.

&

Sreća prati hrabre, a nesreća stare.

&

Vozio je sto na sat sve dok nije prekoračio brzinu.

&

Nakon šok terapije, svi smo ostali u šoku.

&

Sveta stolica ne služi samo za sjedenje.

&

Ništa nas ne može iznenaditi
koliko mi možemo iznenaditi ništa.

&

Gospodin je bio drug, dok se nije počeo baviti višom
politikom.

&

Dat ću vam glas ako nećete na mene vikati.

&

Izlaz iz bezizlazne situacije uvijek vodi u nečiji ulaz.

&

U televizijskom programu glavne emisije su seri-je.

&

Zbogom pameti – reče ponosno budala.

&

Ne znam je li u vinu istina, ali znam da je u rakiji laž.

&

Prodali su mi rog za svijeću, koja je brzo izgorjela.

&

Svinjska kuga je pokazala kolike smo svinje.

&

Greška se može potkrasti, ali se greškom ne može krasti.

&

Kod nas je impresivno sve što nije depresivno.

&

Čovjek koji laje kao pas, ne može biti dobar kućni ljubimac.

&

Ne vjerujte onima koji ni što ne vjeruju.

&

Dobar je svaki put koji vodi do bilo kakvog cilja.

&

Sve je više onih koji imaju sve manje.

&

Dobitna je svaka kombinacija u kojoj ništa ne gubite.

&

Briga nas za svjetsku krizu. Naša kriza je naša briga.

&

Ubojito je samo ono čega se bojite.

&

Priroda je udesila da je većina ljudi cijeloga života
udešena.

&

Da je vrag znao za šalu, ne bi se šalio s ljudima.

&

Vječno je samo ono što nikada nećemo dočekati.

&

Nada je izgovor kojim se služe samo optimisti.

&

Tražim posao od države. Ne tražim državni posao.

&

Cvijeće raste, a kite padaju.

&

Bez dobre produkcije nema reprodukcije.

&

Validno 'in' nije invalidno.

&

Imao je dobru stolicu dok nije zasjeo u fotelju.

&

Tko ne sere redovno, ne može ni izvanredno.

&

Malo znamo, koliko ne znamo.

&

Nisam rekao da premijer nema veze.
Da nije imao vezu ne bi bio premijer.

&

Na skali od jedan do deset, ja sam samo jedan.

&

Bio bi red da se opet vratimo u red.

&

Dok ste živi ne štedite novce za sahranu. To je mrtav
kapital.

&

Kako god se okrenem uvijek sam na krivoj strani.

&

U životu su uspjeli samo oni koji su dugo živjeli.

&

Kosovo je uvijek bilo srpsko. Bilo... pa prošlo.

&

Hrvatska je bila samostalna ... do ulaska u EU.

&

Hrvat sam dok se ne dokaže da sam kosmopolit.

&

Razlika između ukletog i prokletog je u tome,
što je prvo bliže Bogu, a drugo vragu.

&

Kažete da vas ništa ne boli! A mi mislili da vas za sve boli!

&

Siromašan ne može ni u IKE-i sjesti za švedski stol.

&

Niko ne pita, kako sam. Svi pitaju: Šta ima?

OTISCI
I
UTISCI

Uvjerenje treba dati samo neuvjerljivima.

&

O mrtvima možete i sve najgore. Njima je svejedno.

&

Vrijeme stoji. Ljudi dolaze i ...odlaze.

&

Kritika je ubojito oružje loših kritičara.

&

U moru problema najbolje plivaju problematični.

&

Iz takta ispadaju samo netaktični.

&

Pametna crv sumnje uvijek je pod korom.

&

Gladnima svaka riba ispunjava tri želje.

Doručak, ručak i večeru.

&

Nisu birači ludi. Nekima samo na izborima zakaže razum.

&

Budale gube pamet. Pametni gube pamćenje.

&

Nema više sumnje, svi smo mi zbog nečeg sumnjivi!

&

Tko misli, taj zlo ne pjeva.

&

I na rodni list s vremenom pada prašina.

&

Vjenčani list požuti kad se brak nađe u govnama.

&

Većina Hrvata od domovine ima samo domovnicu.

&

Kockar najprije prokocka povjerenje. A onda i ostalo.

&

I novac se ljeti topi kao led.

&

Nevjernik se obratio kad se preobratio.

&

Dužnici su dušu dali za... kredit.

&

Kad se djeca rađaju, majke se porađaju.

&

Tanka mirovina puca kao led.

&

Ne tražite posao u birou za izgubljene stvari.

&

Loši monter montiraju samo dobre laži.

&

Puna kapa - prazna glava!

&

Gladan narod gladuje. Glasan narod glasuje.

&

Kod nas se najviše množe podijeljene osobe.

&

Dvojica u minusu uvijek daju jednoga u plusu.

&

Tko sve podnosi, ničim se ne ponosi.

&

Gdje je oštar pas, tu je gazda tup.

&

Lanac kriminala puca kad se nađe u rukama policije.

&

Sve je poduzeo, da bi sve od drugih oduzeo.

&

Nema motike bez kruha, niti mudrosti bez duha.

&

Bogatome vilu – siromašnom vile.

&

Dok imate novca, ne plaćajte glavom.

&

Neki riječ ‘molim’ koriste samo kad vas dobro ne čuju.

&

Izgubljene slučajeve ne treba tražiti.

Oni se moraju sami pronaći.

&

Ljudi od nereda žive od nerada.

&

Tek kad su nas podijelili, počeli smo se oduzimati.

&

Ne ulazite u politiku. Iz nje nema sigurnog izlaza.

&

Kod nas i nezaposleni svašta rade u društvu.

&

Mnogi su potonuli u plitkim bračnim vodama.

&

Ljubav i mržnja najbolje se čitaju iz očiju.

&

Lakše je preboljeti ono što boli, nego ono što se voli.

&

Bog se drži za riječ, božji sin za bradu.

&

Težak čovjek nije mjera svega.

&

Podvucite crtu kad vas precrtaju.

&

Tupi ljudi nikoga ne zarezuju.

&

Samo trutovima sjekira lako pada u med.

&

Bolje je skrenuti s pravog puta, nego sa zdrave pameti.

&

Ništa nisu dobili oni koji su dali život za domovinu.

&

Tko je kod nas ostao, danas je zaostao.

&

Ne berite brigu koja je drugima otpala.

&

Zatvoreni po prirodi nisu otvoreni za društvo.

&

Onima koji imaju malo, bolje sutra stiže malo sutra.

&

Sreća se ne traži. Sreća se nalazi.

&

Briga nas za one koje nije nizašto briga.

&

Ljubavne rane sporo zarastaju.

&

Iznenadjenje nije za one koji se ničemu ne nadaju.

&

Suđeno mu je da ga za sve optužuju.

&

Samo bogati imaju bogata iskustva.

&

Lijepa slika, za mnoge nije dobra prilika.

&

Redovni, u pravilu, nisu izvanredni.

&

Bolje sutra dočekuju samo oni koji prežive danas.

&

Najstariji zanat ima najviše mladih zaposlenika.

&

Ružno se lijepi za lijepo bolje nego lijepo za ružno.

&

Malo je trebalo da nam svega bude dosta.

&

Domovina bez doma isto je što i dom bez krova.

&

Lakomisleni su oni koji malo misle.

&

Hvala svima koji nas hvale. Slava onima koji nas žale.

&

Povijest je na strani jačih. Svijest je na strani pametnih.

&

Oslobodi nas Bože napasti, slasti i vlasti.

&

Oprosti im Bože, jer ne čine ni ono što znaju.

&

Svoje brzo otpjevaju oni koji prvi propjevaju.

&

Uvijek je bio za... protiv.

&

Dao je glas za stranku, pa zanijemio.

&

Nakon izborne noći, osvanuo je dan izabranih.

&

Glas koga je dao stranci, uzeli su stranci.

&

Sve do jučer vjerovao sam da od danas počinje bolje sutra.

&

Kod nas postoje umišljeni i izmišljeni bolesnici.

Prve stvaraju pacijenti, a druge neki liječnici.

&

Država bez dobrog državnika,
isto je što i konj bez dobrog jahača.

&

Razlika između pozicije i opozicije je u propoziciji.

&

Alkohol mi pada na jetru, žena na živce, a djeca na pamet.

&

Stalo mi je do istine više nego što je istini stalo do mene.

&

Borio se vatreno za pravdu dok nije sagorio.

&

Vrijeme ne radi za lijene,
jer lijeni ne rade na vrijeme.

&

Tko nikad ne krene, taj neće nikad skrenuti.

&

Situacija se mijenja iz prošlih dana u nove godine.

&

Imamo državu - reče predsjednik.
Država – to sam ja!

&

Šta mogu još da vam obećam - pita predsjednik narod.
Ništa. Sve ste nam već obećali!

&

Danas iz mode izlaze samo oni koji izlaze iz kože.

&

Dobri humoristi umiru od smijeha,
loši političari žive od grijeha.

&

Kad narod izabere Kurtu,
Murta ide u opoziciju.

&

Šta nam vrijedi što imamo državu,
kad nemamo zemlju.

&

Mali ljudi misle malim mozgom, a rade velikim.

&

Dvojio je i dvojio, dok se nije odvojio.

&

Ono što dajete, dobro odvagajte.
Ono što primete, dobro odmjerite.

&

Od kolijevke pa do groba, najteža je đaćka ... torba.

&

Dok smo se čuvali za bolje dane,
prošle su nam dobre godine.

&

Dugove domovini danas vraćamo stranim bankama,
sa domaćim kamatama.

&

Jedni su dobili domovinu, drugi dobre domove.
Trećima je pripala samo papirnata domovnica.

&

Dok jedni puštaju vjetrove, drugi hvataju maglu.

&

U poslu uživaju samo oni za koje radi vrijeme.

&

Država demokratska – službenici državni.
A dugovi - narodni.

&

Dok smo na nogama, sve nam ide od ruke.

&

Kod nas jedni otežu, dok se drugi protežu.
Tako put do uspjeha čvrsto u čvor vežu.

&

Kad više nismo znali što ćemo sa sobom,
otišli smo dođavola.

&

Vrtimo se ukrug otkad smo sve stavili na kocku.

&

Tko nema pameti, taj radi kao luđak.

&

Da nije otišao iz zemlje, dosad bi propao u zemlju.

&

Predsjednik u klin, premijer u ploču.
A narod s pjesmom... preko granice.

&

Sve nam više budućih hrvatskih državljana dolazi s Istoka
i Juga...Bivši se javljaju sa Sjevero-zapada.

&

Mladi Hrvati odlaze trbuhom za kruhom u svijet.
Stari se iz svijeta vraćaju siti svega. U sanducima.

&

Da sam znao da će vikati na narod, nikad mu ne bih dao
glas.

&

Zbunjen razumije samo ono što mu lud kaže.

&

I lud i zbunjen pripadaju istoj populaciji - ludo
zbunjenih.

GOVOR TIŠINE

Nekad je bio na cijeni kult ličnosti.
Danas je na sceni samo kult sličnosti.

&

Bio je na svom mjestu, dok mu nisu smjestili.

&

Sloboda mišljenja uživaju samo oni koji misle da su
slobodni.

&

Zaljubljeni do ušiju sami sebe ne čuju.

&

Nije mi drago kad mi vrate milo za drago.

&

Prošlost je za nama, sadašnjost u nama.
A budućnost će garant biti... bez nas.

&

Da je situacija teška, znaju samo oni koji teško nose.

&

Kad je prešao s riječi na djela, zašutio je.

&

U socijalizmu smo svi bili važni državi.
Zato su nas pratili na svakom koraku.

&

Prošao je na ispitu tek kad je shvatio da je sve prolazno.

&

Umjetna inteligencija dokazuje da je majmun postao od
čovjeka.

&

Znanje se dokazuje, a neznanje pokazuje.

&

Baš mi je sve jedno – reče drugi.

&

Sve su koalicije trgovačke, samo je narodna - potrošačka.

&

Potrošačka groznica trese svaku trgovačku koaliciju.

&

Državne inspekcije uglavnom nas plijene – pažnjom.

&

Na vlasti najduže ostaju oni koji najbolje stoje.

&

Izbori su svršeni dramski čin demokratske tragedije.

&

Birač je oduvijek bio obični politički otirač.

&

Da je bolje pazio, ne bi ugazio.
Da nije ugazio, i dalje ne bi pazio.

&

Sve je rekao, tek kad je sve porekao.

&

Aforizam je bljesak munje misli u mraku stvarnosti.

&

O svemu misle samo oni kojima je glava puna svega.

&

Jedni misle na glas, drugi misle na sebe.

&

Život je kratak samo onima koji ne dođu do kraja.

&

Kroz porođajne muke prolaze i majka i dijete.

&

Samo trezvenjaci mogu biti pijani od ljubavi.

&

Čovjek se cijelog života bori protiv smrti,
koja se oko nas od rođenja vrti.

&

U svakoj tužnoj priči iza Snjeguljice ostaje sedam
patuljaka.

&

Imamo toliko vještačke demokratije,
da nam se prirodna čini neprirodnom.

&

Nisam od onih, koji nisu od riječi.

&

Veseo sam kad čitam Šekspira.
Još sam veseliji kad pijem viljemovku.

&

Smrt je uvijek bila logična posljedica života.

&

Pustili su ga kraju. Nažalost, na kraju.

&

Kod nas ne vrijedi ona narodna: 'I vuk sit, i ovce na
broju'.
Vrijedi samo vladina: 'I vuk sit, i ovce u toru'.

&

Ja ostajem život ide dalje, sadašnjost me ka prošlosti šalje.

&

Vrijeme je lijepo, ali su današnja vremena često loša.

&

Što se tiče pića, ovakvo je stanje;
ne pijem ga više, nit ga pijem manje.

&

Radim kao konj. I imam koliko ima konj.

&

Sloboda se skupo plaća, a jeftino prodaje.
Zbog nje ostaje bez gaća onaj tko se odaje.

&

Ne budite nezadovoljni. Samozadovoljavajte se!

&

Hranitelji su za narod uvijek bili važniji od branitelja.

&

Radio je sve na svoju ruku, dok nije dobio nogu.

&

Čuvajte glavu ako vam svašta pada na pamet.

&

Nama je smiješno i kad vrag odnese šalu.

&

Šta nam vrijedi što smo opasnosti uočili <u pet do

dvanaest>.

kad smo ih otklonili 'u dvanaest i pet'.

&

Hrvati su devedesetih godina branili samostalnost,
a hrvatski Srbi branili su samobitnost.

&

U politici cirkus izvode politički klaunovi.

&

Jedni daju sve što imaju, a drugi uzimaju sve što mogu.

&

Lokal patrioti kod nas uglavnom loču na državni račun.

&

Tko izađe iz mase, u masu se ne vraća.

&

Talent za glumu dobivamo od roditelja, a uloge od
redatelja.

&

Bio je pun sebe, dok mu nisu ispraznili račun.

&

Mali ljudi se najteže provlače kroz rupe u zakonu.

&

Naša najčešća bolest je 'praznična groznica'.

&

Kad ste umorni kao pas, odmorite se kao čovjek.

&

Teško je pogoditi pravu temu, a još teže pravu dilemu.

&

Ne žalim se što imam malo, već što nemam dovoljno.

&

Čekali smo ga, sve dok nije otišao.

&

Proklet bio tko nas sastavio.

&

Žena mu je kao Bog, ali ni u nju ne vjeruje.

&

Nisam više zelen. Zavili su me u crno.

&

Nemamo ništa učinkovito... protiv vas.

&

Zapad izvozi oružje i demokratiju u zemlje iz kojih uvozi
izbjeglice.

&

Tko nije na cijeni, taj ne može biti podcijenjen.

&

Velika očekivanja nemaju oni koji očekuju nevolje.

&

Šutnja je najbolji odgovor na svaku kritiku.
Ali ne i na svakakvu politiku.

&

Pune ruke posla imaju oni čije su ruke prljave.
Kao i oni koji su uzeli sve u svoje ruke.

&

Kad su firmu potopili, svi problemi su isplivali na površinu.

&

Volim rodnu zemlju. Nerodnu ne volim.

&

Gdje idioti predvode narode, i narodi se ponašaju idiotski.

&

I najgori život bolji je od najbolje smrti.

&

Svjesni griješe nesvjesno, a nesvjesni svjesno.

&

Propusti se najbolje uočavaju kad nam padnu u oči.

&

Svaki matematičar je dobar, dok se ne preračuna.

&

Sa neoprezom treba postupati krajnje oprezno.

&

Ako mislite da je sudbina u vašim rukama,
provjerite jesu li vam ruke prazne.

&

Na dohvat ruke je samo ono što nam ide na ruku.

&

Od svega se mogu odvići samo oni koji se na sve naviknu.

&

Udareni obično udaraju niže od pojasa.

&

Imali smo jasne ciljeve, dok nas nisu pogodili.

&

Sve na kocku stavljaju i oni koji se stalno vrte u krug.

&

Čak i oni koji izgube obraz misle da su se preobrazili.

&

Kod nas je apsolutno i ono što je drugima relativno.

&

I kad se namire, lopovi ne ostavljaju narod na miru.

&

Sve koji su provodili privatizaciju i pretvorbu,
trebalo bi nagraditi dugotrajnom pritvorbom.

&

Mislim, dakle, nisam lakomislen.

&

Izgublenu pamet treba potražiti u ludnici.

&

Kod nas je izvjesna samo neizvjesnost.

&

Ako želite stići na vrijeme,
u bolje sutra krenite već danas.

&

Kad se odvoje od naroda,
zastupnici dobivaju naknadu za odvojeni život.

&

Život ide dalje i kad smo mi zaostali.

&

Zlo misle i oni koji uopće ne razmišljaju.

&

Prošlo vrijeme je u perfektu, a današnje u defektu.

&

I budućnost je počela prije nas.

&

Obrazovanje nekima pomaže da budu uobraženi.

&

Majka priroda je stvorila i one koji je danas zagađuju.

&

Ne stojimo dobro sa drogom jer je skupa,
ali smo zato sa alkoholom 'na ti'.

&

Kod nas se najviše tupi o tome kako smo oštri.

&

I one koji su imali svijetlu prošlost, čeka tamna
budućnost.

&

Bolje je grijешiti prema Bogu nego prema ženi.
Bog oprašta i one grijehе koje žena ne prašta.

&

Žena mu je sve na svijetu. Zato je onako siromašan.

&

Nije problem ako vas žene ne vole.
Problem je kad vi ne volite žene.

&

Nezaustavljiv je samo onaj tko juri nizbrdo.

&

Aforizam je kristalna misao, koju je pisac mudro zapisao.

&

Rijeke teku prema moru, a naš život prema kraju,
kad je čovjek na umoru, radije se samo raju.

&

Rijeke su nekad bile zelene, čiste i pitke,
danas su kao knjige koje nisu čitke.

&

Kod nas samo optimisti troše novac čisti.

&

Ne treba mi ništa od onih koji uzimaju sve od drugih.

&

On je prava poštenjačina. Novac je stekao na sto načina.

&

Pije kao smuk i puši kao Turčin.
Tako neizravno propagira zdrav život.

&

Jedni ograđuju prirodu, drugi se ograđuju od društva.

&

Sizifov kamen kod nas je običan kamen spoticanja.

&

Na početku svega bijaše – ništa.
Na kraju svega bit će – svašta.

&

Blago Englezima.
Njima engleski nije strani jezik.

&

Najgore je kad vam slobodan prolaz zamijene slobodnim
padom.

&

Hrana iz pučke kuhinje omiljeni je specijalitet naše
sirotinje.

&

Bolje prilike pružaju još veće neprilike.

&

Domovina je sve samo onima koji nemaju ništa osim nje.

&

Tek kad su ga razobličili,
utvrdili su da je dvoličan.

&

Naprijed najbrže idu oni koji su unaprijeđeni.

&

Čistog uma nema ni na stranicama mirovnog sporazuma.

&

Lijevi su uvijek bili bliži desnima, nego desni lijevima.

&

Mi ne učimo na greškama.

Mi greške pravimo da bi drugi iz njih učili.

&

Ne znam koja je blokada gora. Ona u glavi, ili ona u
banci.

&

Nema se tu šta kazati. Sve nam je zakazalo.

&

Tko moli Boga, taj mora moliti i ljude.

&

Bog je stvorio čovjeka uz nesebičnu pomoć majke i oca.

&

Dvolični imaju i lice i naličje.

&

Bio sam ponosan, dok sam se zanosio.

&

Do klanja dolazi i tamo gdje se Bogu klanja.

&

Viza nije potrebna za granice ludila.

&

Beznađe je iza nas, nada ispred nas. Mi smo u sendviču.

&

Toliko toga bih htio reći prije nego što bilo što kažem.

&

Pametni ništa ne uče napamet.

&

Dobili smo zaslužno... oznaku gubitnika.

&

Zlopamtila duže pamte od pametnih.

&

Pluralizam je kad se jedni bore za vlast, a drugi protiv vlasti.

&

Kroz iglene uši provuku se samo oni,
koji se na putu do vrha ne nabodu.

&

Samo grozne vlasti mogu ugroziti državu.

&

Odgovorno tvrdim da su ljudi sve mekši i neodgovorniji.

&

Poštene prati sreća, nepoštene – policija.

&

Nema velike razlike između političara i lopova.
I jedne i druge prate policajci.

&

Ljudski rod je najbolji dokaz da ni Bog nije savršen.

&

Tek kad su ga vezali, potegao je vezu.

&

Kupio je diplomu, sad prodaje pamet.

&

Smotani se kod nas najviše izmotavaju.

&

Kupujem radno mjesto. Plaćam pouzećem..

&

Sreća me prati na svakom koraku,
ali ne ide sa mnom u korak.

&

Pravda se kupuje. Nepravdu dobivamo gratis.

&

Manje-više, danas imamo sve manje.

&

Opasno je biti bezopasan.

&

Da sam znao gdje to vodi, na vrijeme bih skrenuo.

&

Izobličene je teško razobličiti.

&

Naše tragove slijede samo oni koji nas prate u stopu.

&

Bolje je biti upoznat nego prepoznat.

&

Širokogrudni pate od širine, a uskogrudni od visine.

&

Robija se zaslužuje, ona se ne dobiva.

&

Himnu najbolje pjevaju oni koji znaju slušati.

&

Čovjek je naše najveće prirodno bogatstvo,
dok ga ne preradimo.

&

Kad vas navuku na tanak led, prije će te pući vi nego led.

&

Da smo svi pametni, tko bi se pravio lud?

&

Da je uvijek bio na visini zadatka, ne bi zauvijek izvisio.

&

U kraljevinama su princeze, a u ostatku svijeta bitange.

&

Kapitalizam nas je naučio kako se otima,
a socijalizam, kako se uzima.

&

Nije iznenađenje kad iznenadite.
Iznenađenje je kad vas iznenade.

&

Vječno mladi ne stare. Oni zastarijevaju.

&

Da nije sve živo digao, ne bi se iz mrtvih izdigao.

&

Vještačka inteligencija je umjetnost prirodno nemogućeg.

&

Najprije je digao novac za brod, a onda je digao sidro.

&

Tko pređe ivicu, obično završi u policijskoj marici.

&

Bezočni su zaslijepljeni u svakom pogledu.

&

Svi smo jednaki pred zakonom,
ali zakon nije jednak pred svima.

&

Naše razlike nisu socijalne, one su kapitalne.

&

Duboko misle samo oni koji duboko zarone u misli.

&

Na visini su samo oni koji ne padaju nisko.

&

Smrači mi se kad vidim kako sjajno žive oni,
koji žive na svoj način i na tuđi račun.

KRETANJE
I
SKRETANJE

Kad sve krene nizbrdo, neće ni nas zaobići.

&

Tko uživa na ovom svijetu, uživat će i na drugom.

&

Sve je moguće. Takve su nam mogućnosti.

&

Gdje um caruje, tu snaga klade ne valja.

&

Bili su zatupljeni, dok nisu bili zastupljeni.

&

Pustite ga kraju. On je na početku.

&

Pametani i budale razlikuju se samo u količini gluposti.

&

Najteže je pronaći izgubljeno vrijeme.

&

Tko je sav svoj, taj nije ničiji.

&

Za glavu se hvataju samo oni koji zaglave.

&

Prvi put je uvijek duži od posljednjeg.

&

Tražili smo se, ali ništa nismo pronašli.

&

Ako o predsjedniku i premijeru mislite isto što i ja,
najbolje je da mišljenje zadržite za sebe.

&

Jedni mjere od oka, drugi od balčaka, a treći od šake do
lakta.

&

Gledanjem kroz prste, svega se nagledamo.

&

Na koju god stranu krenem, na pogrešnoj sam strani.

&

Preljubnici najčešće rade u fušu.

&

Za sreću je potrebno dvoje. Piće i pijanac.

&

U prosjeku smo prosjaci, iznad prosjeka - sirotinja.

&

Znao sam da to nigdje ne vodi, ali sam htio provjeriti
kojim se putem vraća.

&

Ako sebi ne vjerujete, vjerujte Bogu.
On svakoga razumje.

&

Situacija je bila složena, dok je nismo razbucali.

&

U saboru neki sjede, dok ne osijede.

&

Za riječ se javljaju i oni koji su ostali bez riječi.

&

Narod neće izaći iz bijede, sve dok bira one koji ne vrijede.

&

Bio je na visokoj cijeni, dok mu nisu spustili.

&

Sud je zatrpan predmetima, pa se ne vidi šta i kako radi.

&

Državu vode i oni koji idu žedni preko vode.

&

Policija ima najviše posla tamo gdje su ljudi besposleni.

&

Dočekali su nas carski. Sa kopljima i sabljama.

&

Glasačima glas - izabranima vlast – vođama mast.

&

Izvozimo domaće radnike, a uvozimo strane jadnike.

&

Predstavnici naroda predstavu rade u parlamentu.

&

Čovjek je kapital samo onda kad se u njega ulaže.

&

Naoružani znanjem ne pucaju u prazno.

&

Državna politika nanosi štetu narodu,
a svjetska cijelom čovječanstvu.

&

Dok SAD drma svijetom, Evropa se trese.

&

Evropska administracija puna je frustracija.

&

Čovjek na svom mjestu ne ide lijevo-desno.

&

I ljevičari i desničari kod nas su obični skretničari.

&

U krivom smjeru kod nas često idu i oni koji stoje.

&

Gladni znanja ne puštaju mozak na pašu.

&

Zamišljen – razmišlja. Umišljen – zamišlja.

&

Da nismo ušli u EU, tko zna na što bi sve izašlo.

&

BiH narodi naučili su živjeti i od ublehe.

&

Mnogi su zbog države otišli iz zemlje.

&

Imamo sve preduvjete za pobjedu.
Trebamo samo pronaći poražene.

&

Kod nas dobar pisac nema ništa drugo osim talenta.

&

Ne znam šta je pisac želio da kaže,
ali znam da nije ništa pametno rekao.

&

Za pisca nije važno ono što misli, već ono što piše.

&

Ne piše nam se dobro, jer sve manje čitamo.

&

Duhovit bez duha isto je što i sit bez kruha.

&

I najbolji pisci sve više pišu između redova.

&

Dobrim piscima su glavne brige – nepročitane knjige.

&

Najbolji su oni pisci koji žive za knjigu, a ne od knjige.

&

Dobri pisci znaju čitati i između redova.

&

Vaš roman je jako zanimljiv.
Nisam ga čitao, ali zaključujem to po naslovu.

&

Dobio sam honorar za objavljenu knjigu.
Konačno ću moći počastiti kućnog ljubimca.

&

Pisanje mi je postalo glavni hobi.
Od ribolova sam odustao zbog velikih ulaganja.

&

Loše pišem samo onda kad mi se loše piše.

&

Tko piše tragedije, taj ne igra komedije.

&

Nekad su izdavači izdavali knjige. Danas izdaju pisce.

&

Lakše je napisati dobar roman nego dobar aforizam.

&

Nema dobrih i loših knjiga. Postoje samo oni koji ne
čitaju..

&

Otkad me žena napustila, pišem iz ljubavi.

&

Sve što sam imao za reći, napisao sam.

Sve što sam napisao, nisam rekao

&

Početnik sam u pisanju. Zato često idem u krajnosti.

&

Napisao sam dobar autobiografski roman.

Svi likovi i radnja su izmišljeni.

&

Zadivio je publiku kad je na promociji rekao da mu je ovo
posljednja knjiga i da više neće pisati.

&

Sve moje pjesme su antologijske.

Prava je šteta što to antologičari ne znaju prepoznati.

&

Kad vam u Kini ili Indiji objave jedan stih,
to vam je kao da su vam kod nas objavili sabrana djela..

&

Ne vozim otkad je glavni junak u mom romanu
smrtno stradao u prometnoj nesreći.

&

Čitaoci ne razumiju pouke i poruke mojih knjiga.
Zato im preporučujem da ih češće i više čitaju.

&

Autor kriminalnog romana toliko je uvjerljiv
da sam povjerovao kako ga je napisao u zatvoru.

&

Knjige objavljujem na hrvatskom jeziku,
da bi me razumjeli i oni koji ih ne čitaju.

&

Laknulo mi je kad su mi rekli da sam lak ... za čitanje.

&

Ako ne volite čitati, predlažem vam da počnete pisati
aforizme.

&

Nigdje nisam toliko radio koliko na književnom polju.
I nigdje nisam ubrao tako malo plodova.

&

Vrijeme radi za dobre pisce. Kad umru i oni će biti
poznati.

&

Pisao je i pisao, dok ga nisu otpisali.

&

Kad prestanem pisati o meni će čitati.

&

Da nisu sastavljene od nula,
milijarde ne bi imale nikakvu vrijednost.

&

Ključni svjedok je mrtav,
tako da se žrtva ne sjeća tko ga je ubio.

&

Bez reda su samo oni koji su nas uneredili.

&

Svi griješimo, samo to neki rade puno bolje od nas.

&

Kad imate posla s budalama, ne sagorijevajte na poslu.

&

Neustrašivost je mana, onima koji se ničega ne boje.

&

Na određeni način, svi smo mi podređeni.

&

Bogati smo vodom. Zato se gušimo.

&

Loše brakove spašava jedino dobra bračna diplomacija.

&

Naša sigurnosna situacija takva je da su se samo bogati
dobro osigurali.

&

Kod nas ne kukaju samo kukavice. Kukaju i kukci.

&

Da je Bog naklonjen siromašnima i njih bi učinio
bogatima.

&

Ako se već brojčano izražavam, onda sam jedan, a ne
obična nula.

&

Svaka čast Bogu, ali mene su stvorili majka i otac.

&

Bog je na našoj strani samo kad je u našoj stranci.

&

Da biste odapeli, morate dobro zapeti.

&

Za praznik rada dijeli se grah, da bi se govornici bolje čuli.

&

Život ima sretan početak i tužan kraj.
Sve ostalo je srednja žalost.

&

Samo nas vukovi mogu dobro navući.

&

Izlaz traže samo oni koji su već ušli.
Oni koji nisu ušli nemaju što tražiti.

&

Mnogi ne vjeruju da nisam vjernik.

&

Pesimisti su poznati po tome što ne vjeruju ni sebi
samima.

&

Umirovljenik je osoba koja živi od preminulog rada.

&

Lukav je onaj koji nije ni luk jeo ni luk mirisao, a sit je
svega.

&

Dosta mi je svega – reče gospodin ispred kontejnera.

&

Živio je po svome. Pogađajte je li preživio?

&

Shvatio je da nije bio siromah tek kad se svega odrekao.

&

Voda ide kružnim tokom čak i kad se zaledi.

&

Iznio je svoje mišljenje i s njim je otišao ... dođavola.

&

Vrtjela ga je oko malog prsta,
jer je vjerovala da se zemlja oko nje okreće.

&

Jedni lijepe trenutke brišu gumicom, a drugi guzicom.

&

I kad radi ružne stvari čovjek nastoji biti savršen.

&

Samostalnu Hrvatsku smo ratom dobili.
ali smo je plebiscitom mirno izgubili.

&

Ne ide nam baš najbolje. Zato svašta radimo.

&

Prodajemo uredski namještaj. Fotelje dajemo gratis.

&

Sve je izgubio na ruletu. Preostaje mu još samo ruski.

&

Maksim Gorki je pisao slatku prozu.

&

Čisti političari nikad ne muljaju.

&

Volim kad me prepisuju i kad se potpišu mojim imenom.

&

Naša slavna prošlost nikako da prođe.

&

Mnogi se vizionari bave ćoravim poslom.

&

Tempirana seks bomba svako malo eksplodira.

&

Ako niste posvećeni poslu, ne znači i da ste ateist.

&

O američkoj demokratiji najviše učimo
iz kaubojskih i kriminalnih filmova.

&

Bog je otac onima kojima su majke: SAD i Rusija.

&

Neki ljudi bi se najprije trebali stidjeti sebe.

&

Zeleni se najmanje crvene.

&

Nekima je majka priroda, a otac im je vještački.

&

Imamo lijepo more, rijeke i jezera. Zato sve dublje
tonemo.

&

Francuska je zemlja demokratske anarhije,
a Rusija zemlja anarhijske demokratije.

&

Dobru vlast hvale građani. Loša hvali samu sebe.

&

Šta još da vam obećam – pita ministar obrazovanja
učenike.

Manje školskih knjiga – odgovoriše učenici.

&

Jedni ne znaju šta imaju. Drugi znaju šta nemaju.

&

Naše krave i volovi vjeruju samo u jake konjske snage.

&

Nije važno misliti. Važno je smisliti.

&

U BiH brže rastu penzije, nego što u Hrvatskoj rastu
mirovine.

&

Nekad smo imali radničku kontrolu.

Danas imamo kontrolu radnika.

&

Stvar je stajala dobro, dok nije pala.

&

Dolazi vrijeme i moga odlaska.

&

Danas su najotvoreniji oni koji su nekad bili zatvoreni.

&

Na svoju ruku mogu raditi samo oni kojima ide sve od
ruke.

&

Imam sve za bevandu. Samo mi još vino nedostaje!

&

Imamo rodnu zemlju. U njoj se svaki dan rađaju
novi branitelji i invalidi domovinskog rata.

&

Pravi domoljub domovinu nosi u srcu.
Ostalima je ona na računu ili u novčaniku.

&

Pijanima od ljubavi ne trebaju jači opijati.

&

Tko umije, njemu sve.
Tko ne umije, njemu je i jedna previše.

&

Kod nas samo djeca vjeruju u bolje sutra.

&

Da nisam ovo što jesam, bio bih ono što sam nekad bio.

&

Da imam kad, i ja bih drukčije razmišljao.

&

Moj princip nije nikada bio blizak Gavrilu.

&

Hrvati su velemajstori pretvorbe. Oni su jednim aktom
pretvorili društvenu svojinu u državnu i rasprodali je
zabadava.

&

Od svega spontanog trenutno mi na pamet pada
samo pobačaj.

&

Nije propust kad propustiš. Propust je kad dopustiš.

&

Najlakše je onima koji se dobro nose.

&

Radio je i griješio, i na greškama se cijeli život učio.

&

Podrepaš sve oko sebe gleda ispod oka. Ne ispod repa.

&

Čuda su moguća i onda kad su nemoguća.
Da nisu, ne bi bila čuda.

&

Čast svakome. Počast najboljima!

&

Slobodu najviše sanjaju oni čiji su snovi pusti.

&

Svečano se dočekuju samo oni koji se rado ispraćaju.

&

O tuđim slabostima mnogi pričaju s oduševljenjem.
Baš kao da su njihove.

&

Slab čovjek nije nizašto. Loš nije ni za kog.

&

Bog daje, vrag uzima. Tako na kraju svi dođu na svoje.

&

Povjerenje mogu opravdati samo povjerljivi.

&

Kad vas muči tjeskoba, razbacujte se!

&

Pravda je za pravedne. Nepravda je za svakog.

&

Umjesto zatvora, taj lopov je završio u vladi.

&

Volio bih da sam lud. No, nažalost, samo sam zbunjen.

&

Za razliku od bogatih, siromašni imaju
samo bogato životno iskustvo.

&

Budali je svaka pamet – nepodnošljiv namet.

&

Raspametili su nas oni bez pameti.

&

Jedem tri puta dnevno. A često se jedem i danonoćno.

&

I bezemljaši na kraju završe u zemlji.

&

Tek kad je otvorio oči, zatvorili su ga.

&

Jadna je majka svima kojima je država majka.

&

Ostvario sam nezapamćene rezultate.
No, nažalost, nisam ih dobro zapamtio.

&

Pišem, dakle, i drugi me čitaju !

&

Koristio sam krilatice, sve dok nisu odletjele.

&

Kako god okrenem, vrtim se ukруг.

&

Izgubljeno vrijeme nikada nećete pronaći.

&

Da Bog sve vidi, vidio bi da nas slijepci vode u budućnost.

&

U neposrednom plitkom razgovoru, mišljenja se obično
iznose... bez dubljeg razmišljanja.

&

Pustite me na miru. Tu se najbolje osjećam.

&

Narod koji izabere budalu za predsjednika
ludo će se provesti.

&

Da držimo do onih koji odlaze, zadržali bi ih da ostanu.

&

Ne znam kakav si, ali znam za onu narodnu: S kim si,
takav si.

&

On je izuzetak. Izuzeli su ga iz svih pravilnih poslova.

&

Nije problem što smo skrenuli sa drumu.
Problem je što smo skrenuli s uma.

&

Oni koji imaju visoko mišljenje o sebi,
na kraju izvise kod drugih.

&

Nezamislivo je uvijek na gubitku u srazu sa izmišljenim.

&

Predani se ne predaju bez poštene borbe.

&

Koliko god žurili, smrt će nas na kraju stići.

&

Ako me pogode pitanja, pogodit ću i ja njih.

&

Rođeni gubitnici nisu više među njima.

&

Nije isto učiti na malim ili na velikim greškama.
Na velikim greškama više se nauči.

&

Prosto je samo ono što nije lijepo složeno.

&

Ne izmišljamo toplu vodu.
Ledenjaci se tope na očigled svih.

&

Stidimo se što mnogi naši političari nemaju srama.

&

Da sam na vašem mjestu, ja bih se pomakao naprijed.

&

Na Kosovu je bio Šok kad su dobili državu.

&

Predsjednik je živ primjer političara
koga su glasači vratili iz mrtvih.

&

Naša politička situacija je stabilna, jer imamo podjednak
broj
političara među lopovima, i lopova među političarima.

&

Tek kad su ga uzeli na zub, zaradio je karijes.

&

Lupa bez veze. Dok je bio vezan nije tako lupao.

&

Otišao je u krajnost. Mali su izgledi da će se živ vratiti.

&

U nekim mojim aforizmima ima slabosti kao u priči.

&

Ne očekujte da ću vas džabe čekati.

&

Uočio sam ih tek kad su mi pali u oči.

&

Imam i ja svojih vrlina i mana,
ali ih ne dijelim po društvenim mrežama

&

Išao je u školu skijanja. I... pao!

&

Vodili smo... sve dok se nismo izgubili.

&

Na olimpijskim igrama važno je sudjelovati,
a na svjetskom prvenstvu važno je pobijediti.

&

Na zelenom terenu sve je više žutih i crvenih.

&

Najbolji nogometaši igraju dobro i glavom.

&

Sportski duh je odavno napustio bocu.

&

Borili bi se mi za svaku loptu, da nije samo jedna bila na
terenu.

&

Odigrao je utakmicu života. Slava mu!

&

Autogolovi u politici ulaze u tuđu mrežu.

&

Vatreni navijači sagorijevaju i prije utakmice.

&

Igrali smo kao jedan. Zato nas se nije primjećivalo na terenu.

&

Sudac nam je poništio pobjedonosni gol.
Nije bio zadovoljan iznosom koga smo mu ponudili za pobjedu.

&

UEFA I FIFA su među najvećim kompanijama u svijetu.

&

Noge i ruke vrhunskih sportaša danas puno više vrijede od glava vrhunskih svjetskih znanstvenika.

&

U nogometu su obrambeni igrači ponekad opasniji za vlastiti gol od protivničkih.

&

Internacionalni sportaši korisniji su državi od većine internacionalnih političara.

&

Za pogođenu gredu i stativu trebalo bi priznati barem
pola gola,
ili dosuditi slobodan udarac sa 15 metara bez zida.

&

U prelaznom roku sportaši najčešće prelaze granice.

&

U sportu je uvijek unosnije potkupiti nego kupiti.

&

Viteštva u sportu nema više ni u mačevanju.

&

Poraženi su najzaslužniji za slavlje pobjednika.

&

Pobjedi se ne gleda u zube. Zato svi grizu na terenu.

&

BEZVREMENA KNJIGA

Ivo Mijo Andrić je jedan od najznačajnijih savremenih književnih stvaralaca u Hrvatskoj, BiH i celom regionu. Njegov opus u oblasti poezije, drame, aforistike, epigramstike, esejistike, dnevničkih zapisa, književne kritike i antologičarskog rada zaista je impresivan i visoko vrednovan i nagrađivan. Stvaralac je renesansne širine i erudita kakav se retko sreće. Ovaj pisac poseduje i širinu shvatanja, nepristrasnost, razumevanje za drugačije i različito, ali i netolarnciju za sve negativne društvene pojave i ljudske osobine.

Tragični rat u Bosni i Hercegovini, koji je Andrić proveo u srcu pakla, u opkoljenom Sarajevu prve dve najteže godine, uzrokovao je i to da dva velika i značajna sarajevska pisca postanu Zagrepčani. Kažu da je turski sultan Bajazit II, kada je krajem petnaestog veka otvorio vrata Osmanske caravine prognanim Jevrejima iz Španije, rekao: „Ne znam da li su Španci svesni šta su izgubili, ali ja znam šta sam dobio”. Nešto slično se dogodilo i dolaskom u Hrvatsku iz BiH brojnih uspešnih i priznatih naučnika, profesora, lekara, inženjera, filozofa, novinara, muzičara i pisaca, među kojima su bili i jedan od najpriznatijih savremenih prozaista ovih prostora Miljenko Jergović i svestrani pisac Ivo Mijo Andrić. Oni su svojim potonjim stvaranjem stvorili predivni amalgam od onoga što su poneli iz Bosne (smisao za humor, optimizam, multikulturalnost, otvorenost i komunikativnost) i onoga što su upoznali i usvojili

dolaskom u Hrvatsku (bogata i duga književna tradicija, visok umetnički stil, preciznost u izrazu).

Andrić je visokomoralan čovek, kakav jedino može biti pravi i posvećeni satiričar. O tome svedoči i ovaj njegov zapis iz knjige „Duh nije u bocu”: „Aforizme pišem iz moralnih, a čitam zbog zdravstvenih razloga.” Naš pisac je vrhunski poznavalac domaće i strane aforističarske produkcije, njen pouzdani tumač, nepristrasni kritičar, promotor onog vrednog u njoj i zaljubljenik u kratko, efektno i mudro izražavanje. On, ne samo da kao književni kritičar i antologičar, zna šta je dobar aforizam, nego dobar aforizam, kao vrhunski autor, zna da napiše. Evo nekoliko aforizama koji zaslužuju da se nađu u svakoj antologiji:

„Moje nade živjet će i poslije mene. One su vječne.”

„Uzrok i posljedica su kao brat i sestra. Jedno je rođeno i bračnoj, drugo u vanbračnoj vezi.”

„Promašen čovjek opasniji je od svake promašene mete.”

„Sve do jučer vjerovao sam da od danas počinje bolje sutra.”

„Tko nema pameti, taj radi kao luđak.”

„Ne treba mi ništa od onih koji uzimaju sve od drugih.”

„Domovina je sve samo onima koji nemaju ništa osim nje.”

„Ljudski rod je najbolji dokaz da ni Bog nije savršen.”

„Vještačka inteligencija je umjetnost prirodno nemogućeg.”

„Pametani i budala razlikuju se samo u količini gluposti.”

Andrić je pravi alhemičar koji je od svake teme, fraze, konstatacije, izreke, izjave ili citata, umešan da stvori „zlatnu” misao. Uočljivo je da on u svom stvaranju spaja naučni i umetnički pristup, što za rezultat ima aforizme napisane po svim pravilima žanra, uz mnogo lepršavosti, stvaralačke hrabrosti i slobode u izrazu. Pored toga - šta će reći, Andrić je maksimalno usredsređen na to – kako to reći, da zvuči artistički, samosvojno, pamtljivo, dvosmisleno i neočekivano.

Njegova knjiga „Duh nije u boci”, u čijem podnaslovu je istaknuto „aforizmi i tekuće misli”, predstavlja originalnu zbirku s mnoštvom raznovrsnih bisera duha, bogatim umetničkim motivima i brojnim temama. Aforizmi su grupisani u šest tematskih celina, logički poredanih i međusobno isprepletenih.

Naslov zbirke simbolično izražava ideju da duh, odnosno duhovitost, mudrost i razmišljanje, nisu omeđeni ili zatvoreni. Duh kojeg Andrić otelovljuje je slobodan, prolazi kroz granice i ne može biti zatvoren u običnu ili ograničenu formu. Taj naslov ističe važnost slobode mišljenja, kreativnosti i duhovne nezavisnosti, i sugerise da intelektualna i duhovna snaga ne mogu biti sputane ili zarobljene, već su uvek u pokretu i širenju.

Španski pisac Kristobal Sera tvrdi da je „aforizam poezija koja je prešla iz tečnog u čvrsto stanje”. „Poezija se može ponuditi tečna u stihu i čvrsta u aforizmu. Drugim rečima,

poezija, koju stih nudi u tečnom stanju, ‘učvršćuje se’ kada postane aforizam. Kako ja razumem aforizam, njegov specifičan karakter sastoji se u pesničkoj čvrstini. Da upotrebim poređenje, rekao bih da je to pesnički monolit”, navodi Sera i zaključuje da je u današnjoj Španiji „teško pronaći aforizme kod onih koji nisu pesnici”. „Biti pesnik je *conditio sine qua non* da bi aforizam u potpunosti postojao”, mišljenje je koje u španskoj teoriji književnosti nije usamljeno. I nije ovaj stav važeći samo za Španiju, jer aforizam je oduvek bio blizak sa poezijom – ovu bliskost nam najčešće očituju rime i poetski ritam. Stilski postupak prožimanja poetske atmosfere i paradoksalne aforističke poruke iznedrio je međužanr, a slobodno ga možemo nazvati i novim žanrom, koji je Vitomir Teofilović nazvao afogram, koji je po značenju aforizam, a po formi epigram. Takve uspele afograme pronalazimo u zbirci Ive Mije Andrića, pesnika i aforističara:

„Učenje napamet ne služi pameti.

Ono je razumu oduvijek na meti.”

„Duhovit bez duha

isto je što i sit bez kruha.”

„Da nije sve živo digao,

ne bi se iz mrtvih izdigao.”

„Rijeke teku prema moru, a naš život prema kraju,

kad je čovjek na umoru, raduje se samo raju.”

*„Rijeke su nekad bile zelene, čiste i pitke,
danas su kao knjige koje nisu čitke.”*

Iako su aforizam i satira povezani s društvenom tematikom i prožeti politikom, Andrićev motiv stvaranja je potpuno larpularistički. Njegova satira nije sredstvo političkih obračuna, njegov cilj nije promovisanje određene ideologije ili menjanje vlasti (što je aforizmom i nemoguće, ali neki to ne shvataju). Andrić to potvrđuje: „Ne pišem protiv politike; to je častan zanat. Pišem samo protiv loših zanatlija.” On kritikuje podstaknut ljudskim i umetničkim motivima, željom i potrebom da ukaže na postojanje onoga što je nehumano, nečasno, neiskreno i unižavajuće, a zarad života dostojnijeg i pravednijeg.

Andrićev opus u kratkoj formi karakterišu britki humor, misaone i duhovite opaske, često s refleksijama o društvu, ljudskim manama i svakodnevnom životu. Autor ima lep, jasan, prijemčiv i izbrušen stil. Svakoj rečenici posvećena je dužna pažnja i svakoj reči je traženo i pronađeno odgovarajuće mesto. Iz svake misli proističe poruka da svet, društvo i čovek nisu savršeni, da mogu biti bolji, ali da bi se to dogodilo, mora se priznati da za tim postoji potreba. Andrić je veliki jezički znalac čija leksika je osebnostna, bogata, raznovrsna i razumljiva. Humor, taj verni pratilac dobrog aforizma, ključni je začim svake Andrićeve rečenice. Ironija i samoironija u njima nisu destruktivne već funkcionalne, na fonu pojačavanja umetničkog utiska.

Da bi jedan autor pisao satiru visoke vrednosti, neophodna je samokritika, odnosno osobina da se autor podsmehne svemu lošem u svojoj sredini. Andrić je autor koji u kritici polazi od sebe i svojeg okruženja, što njegovu satiru čini verodostojnom i uverljivom, i onda kada govori o drugima. On je tu osobinu, verovatno, poneo iz Bosne, što naslućujemo iz aforizma:

„Niko se kao Bosanci ne zna šaliti na svoj račun. I nitko se kao Hrvati ne zna sprdati na račun Bosanaca.”

Aforizmi koji svedoče o Andrićevom beskompromisnom stavu prema nedostacima svojih bližnjih, nižu se u ovoj knjizi:

„Mnogi Hrvati više vole demokroaciju nego demokraciju.”

„Hrvatska je bila samostalna ... do ulaska u EU.”

„Hrvatska je poznata zemlja bezemljaša.”

„Hrvati vole Sunce. Zato za njim idu na Zapad.”

„Većina Hrvata od domovine ima samo domovnicu.”

Andrić je napisao ingeniozan aforizam: „Hrvat sam dok se ne dokaže da sam kosmopolit”, koji na različite načine korespondira sa znamenitom mišlju Monteskeja: „Čovek sam nužno, Francuz sam slučajno”.

Ove dve misli su iz različitih kulturnih i istorijskih konteksta, ali obe se tiču odnosa nacionalnog identiteta i univerzalnog čovečanstva. Andrićev iskaz ima ironijski

naboj: u njemu se oseća svest o tome da nacionalni identitet često služi kao početna i primarna „etiketa”, koju čovek nosi bez izbora. Istovremeno, Andrić ostavlja mogućnost da se ta etiketa „prevaziđe” – ako čovek uspe da se ostvari kao kosmopolit, kao ličnost koja prevazilazi nacionalne granice. Podtekst je i kritika: kosmopolitizam se ne podrazumeva, već se mora „dokazati”, što ukazuje na snagu nacionalnih i političkih ograničenja.

Monteskje, pak, pravi jasnu hijerarhiju: čovečnost je suštinska i univerzalna, a nacionalna pripadnost je slučajna i sekundarna. On počinje od univerzalnog – ljudske prirode – pa tek onda spominje nacionalno, koje nije presudno za identitet. Ovde nema ironije, već se srećemo sa filozofskom konstatacijom o prioritetu čovečnosti nad svim lokalnim identitetima.

Andrić kreće od nacionalnog (Hrvat), ali ga postavlja kao nešto što treba prevazići dokazivanjem kosmopolitizma. Monteskje kreće od čovečnosti i nacionalno stavlja u zagradu, kao slučajnu odrednicu. U Andrićevoj misli oseća se balkanska istorijska uslovljenost: nacija je uvek u prvom planu, pa tek onda ličnost i njena univerzalna dimenzija.

U Monteskjeovoj misli odražava se prosvetiteljski duh XVIII veka: naglasak je na univerzalnim pravima čoveka, a ne na nacionalnim granicama. I da rezimiramo, ako je dozvoljeno da interвениšemo u ono što su nam poručila dvojica briljantnih mislilaca.

Monteskje kaže: „Prvo sam čovek, pa tek onda Francuz.” Ivo Mijo Andrić kaže: „Prvo sam Hrvat, ali bih voleo da dokažem da sam više od toga.”

Aforizam Ive Mije Andrića: „Ne izmišljajmo toplu vodu. Lednjaci se tope naočigled svih.”, predstavlja jezičku igru sa višestrukim značenjem. „Izmisliti toplu vodu” u hrvatskom i srpskom jeziku znači „otkrivati nešto što je odavno poznato, očigledno”. Andrić tu poslovičnu frazu bukvalizuje i spaja je s ekološkim fenomenom: globalnim zagrevanjem, koje zaista „pravi toplu vodu” od hladne. Dobija se ironija: ono što je „očigledno” (da se planeta zagreva i lednici nestaju), ljudi i dalje trivijalizuju, ignorišu ili govore o tome kao da je nešto novo, a u stvari je već gola stvarnost. Aforizam gađa kolektivnu inertnost i nemar: ne treba nam nikakvo „otkriće” da bismo znali šta se događa – lednici se tope pred našim očima.

Autor razobličava paradoks: dok političari, korporacije ili društva pričaju kao da traže nove dokaze, priroda sama nudi najočigledniji dokaz – nestanak leda. Ovde se prepoznaje satira na račun birokratske i političke retorike koja uvek traži „nove studije” i „potvrde”, umesto da deluje. Aforizam nosi jaku ekološku simboliku: lednici su svetski termometar, najjasniji pokazatelj klimatskih promena. Njihovo topljenje nije metafora, već surova činjenica. Andrić ga ubacuje u jezičku igru kako bi pojačao osećaj apsurdna: svet gleda, ali ništa ne preduzima.

Aforizam koji analiziramo kod čitaoca proizvodi duhovito, ali i bolno i opomninjuće dejstvo.

Njega prvo zasmije igra reči (topla voda - topljenje leda), a zatim zabrine posledičnost: sve se odvija „naočigled svih”, dakle uopšte nije skriveno. U tom paradoksu – humoru koji vodi u nelagodu – leži prava snaga aforizma.

Kao teoretičar aforistike i veliki stvaralac monumentalnih minijatura, Andrić ispisuje redove koji na autopoeitički način, iz raznih uglova osvetljavaju aforizam, tumače ga, rašlanjuju, približavaju čitaocu i pronalaze njegove skrivene unutrašnje veze i poveznice s drugim žanrovima, dajući čak i savete šta bi aforizam trebalo da sadrži i predstavlja:

„Aforizam je pirueta uma umjetničkog književnog klizanja.”

„Aforizam je bljesak munje misli u mraku stvarnosti.”

„Aforizmi su moji pusti verbalni snovi.”

„Osim dubine i širine, dobar aforizam mora imati lasersku oštrinu.”

„U aforizmu dobrog aforiste kaže se više, nego u sabranim djelima lošeg prozaiste.”

„Lakše je napisati dobar roman nego dobar aforizam”, uverava nas Andrić. Srpski aforističar Veselin Mišnić Lari zastupa sličnu tezu da svako može da napiše pesmu, priču, dramu i roman, ali da ne može svako da napiše aforizam.

Ko ne veruje, neka proba! Kratka forma sama po sebi nije aforizam, ako ne sadrži ono što ga odlikuje; paradoks, apsurd, nepredvidivost, dvosmislenost, višeslojnost... A sve to pronalazimo kod Andrića.

Pođemo li od najstarijih srodnih oblika, od usmene tradicije, prvi oblik koji asocira na aforizme je poslovice. Kao i aforizam, i ona sažima opšte iskustvo, a i po kratkoći su identični. Kod Andrića pronalazimo uspješne aforističke formulacije, zapravo životne istine, slične definicijama i modernim izrekama i poslovicama:

„Država bez dobrog državnika, isto je što i konj bez dobrog jahača.”

„Čovjekov rječnik ovisi o dužini jezika.”

„Vrijeme je kao voda. Brzo proteče.”

„Ljubav nas u isto vrijeme i ljubi i mori.”

„Ono što dajete, dobro odvagajte. Ono što primete, dobro odmjerite.”

Andrićeva knjiga, sastavljena od oko hiljadu i dve stotine aforizama, sadrži sve što vhumna zbirka ovog žanra mora da poseduje. Pred nama je delo koje je poučno, inspirativno, zabavno, izazovno i vredno čitanja.

„Postoje dvije vrste aforizama: prvi su bezvremeni, drugi su bezvezni”, veli autor. Mi se nadovezujemo: Andrić piše trajne, univerzalne i bezvremene aforizme koji se urezuju u pamćenje i deluju na čitaoca istovremeno i relaksira-

juće, i motivaciono, podsticajno i edukativno. Baš zato što su bezvremeni, ostaće za sva vremena!

I da parafraziramo autora ove izuzetne knjige: „Njegove misli su toliko jasne da na njih ne treba dalje trošiti reči.”

Aleksandar Čotrić

BILJEŠKA O PISCU



Ivo Mijo Andrić, rođen je 17.11.1948. godine u selu Čanići kod Tuzle. Osnovnu školu pohađao je u Dobrnji, Mramoru i Lipnici, srednju tehničku u Tuzli, a Fakultet političkih nauka i postdiplomski studij na Ekonomskom fakultetu u Sarajevu. Radio je u privredi, državnim institucijama i sindikatima u Bosni i Hercegovini te kraće vrijeme u hrvatskom obrazovanju. Od 2004. godine živi i stvara u Zagrebu.

Piše poeziju i prozu za djecu i odrasle; priče, romane, drame, monografije, eseje, književne prikaze, aforizme i epigrame. Objavio više od sedamdeset knjiga poezije, proze, književnih prikaza, aforizama i epigrama te nekoliko knjiga s područja zaštite radničkih i ljudskih prava. Zastupljen u više desetaka zajedničkih knjiga, zbornika i

antologija u zemlji i inozemstvu. Književni radovi su mu prevođeni na engleski, njemački, kineski, bugarski, danski, poljski, slovenski, ruski, armenski, češki, slovački, rumunjski, makedonski i arapski jezik. Priredio je i uredio osam međunarodnih antologijskih zbornika aforizama i kratkih misli. Dobitnik je više nagrada i priznanja za književno stvaralaštvo.

Član je Društva hrvatskih književnika, Društva pisaca Bosne i Hercegovine, Hrvatskog društva književnika za djecu i mlade i Udruge hrvatskih aforista i humorista.

Sadržaj

Otvoreno brzo izvjetri.....	7
Treba znati živjeti	29
Nije sve u imanju.....	55
Otisci i utisci.....	77
Govor tišine	95
Kretanje i skretanje.....	121
 Aleksandar Čotrić: Bezvremena knjiga	 155
 Bilješka o piscu	 167

